

La Svizra sa mova vers la dretga

DA MARTIN CABALZAR

■ **Tenor las calculaziuns approximativas da la SRG SSR fatgas avant la fin da redacziun da LQ dastgass la pps gudagnartut entut 11 mandats ed esseruschia la pli gronda gudagnadra da las eleziuns naziunalas da 2015. Era per la pld vegn prognostigà in gudogn da trais mandats.**

Las sperditas las pli grondas ston probabel ils verds registrar cun minus tschintg mandats ed ils verd-liberals cun minus sis mandats. Era la ps perda probabel dus mandats, ella resta dentant la segund ferma forza en il parlament. Per pcd e pbd vegn prognostigà ina sperdita da mintgamai in mandat.

Cussegl dals chantuns

En blers chantuns datti in segund scrutinì per eleger il segund sez en il cussegl dals chantuns. Numerus dals cussegliers dal chantun vertents ston temair per lur sez.

Il cusseglier naziunal d'Appenzell Dadora, *Andrea Caroni* (pld) è vegnì elegì en il cussegl dals chantuns. Il giurist da 35 onns ha survegnì 12 308 vuschs tar in pli absolut da 7461 vuschs. El era senza cuntrecandidat.

Pascale Bruderer (ps) da l'Argovia è vegnida elegida en l'emprim scrutinì. Ella ha fatg 90 261 vuschs. Il candidat da la pps, *Hansjörg Knecht* ha survegnì dapli vuschs (77 255) ch'ìl president da la pld, *Philipp Müller* (71 445). Il pli absolut era tar 90 261 vuschs. Tgi che survegn il segund sez per l'Argovia vegn decidì en in segund scrutinì.

La cussegliera da la ps da Basilea-citad, *Anita Fetz* ha dumagnà senza problems sia reelecziun, quai cun 35 842 vuschs. Il pli absolut era tar 25 441 vuschs. Er a Basilea-Champagna ha *Claude Janiak* (ps) distanzà ils adversaris

burgais e dumagnà suveran la reelecziun en l'emprim scrutinì. El ha fatg 42 450 vuschs tar in pli absolut da 40 559 vuschs.

En il chantun Berna n'ha nagin dals 11 candidats cuntanschì il pli absolut da 152 860 vuschs. Las pli bleras vuschs ha il candidat vertent, *Werner Luginbühl* (pbd) cun 151 069 vuschs, il segund bler ha *Hans Stöckli* (ps, vertent) cun 144 805 vuschs. Sin plaz trais suonda *Albert Rösti* (pps) cun 136 055 vuschs. Ils ulteriurs candidats han tuts pli pauc che 75 000 vuschs.

En il chantun Friburg sto il president da partida da la ps, *Christian Levrat* ir en il segund scrutinì. El ha bain fatg las bleras vuschs (39 014), ha dentant cleramain manchentà il pli absolut da 44 842. Sco segund suonda il candidat da la pcd, *Beat Vonlanthen*, che duai defender il sez dar *Urs Schwaller*.

En Glaruna èn ils cussegliers dals chantuns vertents vegnids reelegids. *Thomas Hefli* (pld) ha fatg 8619 vuschs, *Werner Hösli* (pps) vegn sin 5469 vuschs. Il pli absolut era tar 4827 vuschs.

Il chantun Lucerna n'ha anc betg elegì il cussegl dals chantuns. Il cusseglier vertent *Konrad Graber* (pcd) ed il cusseglier guvernativ *Damian Müller* (pld), che duai defender il sez da la pld da *Georges Theiler* che sa retira, han survegnì ils megliers resultats, n'han dentant betg cuntanschì il pli absolut. Graber ha fatg 64 577 vuschs ed è uschia be stgars sut il pli absolut da 66 278 vuschs. *Damian Müller* ha fatg 54 992 vuschs. Il segund scrutinì è ils 15 da november.

Il cusseglier dals chantuns senza partida, *Thomas Minder* da Schaffusa è vegnì reelegì en l'emprim scrutinì. El ha survegnì 13 733 vuschs. Il segund cusseglier dals chantuns, *Hannes Germann* (pps) è era vegnì reelegì sco spetgà. El ha surve-

gnì 20 747 vuschs. La participaziun a la votaziun era tar 68%, il pli absolut era 13 195 vuschs, uschia ch'ì na dovra betg in segund scrutinì.

En il chantun Soloturn vegni sorprendentamain er ad in segund scrutinì. Be il candidat da la pcd, *Pirmin Bischof* ha dumagnà l'elecziun cun 50 674 vuschs. L'auter cusseglier vertent, il candidat da la ps, *Roberto Zanetti* (42 421 vuschs) sto ir en la segunda runda. El giascha dentant cleramain avant *Walter Wobmann* (pps) ch'ha fatg 29 666 vuschs e *Marianne Meister* (pld) che vegn sin 25 563 vuschs. Il pli absolut era tar 44 007 vuschs.

La cussegliera dals chantuns da Son Gagl da fin qua, *Karin Keller-Sutter* (pld) è vegnida reelegida cleramain cun 76 367 vuschs. Il cusseglier vertent da la ps, *Paul Rechsteiner* (62 944) ed il concurrent da la pps, *Thomas Müller* (50 629) n'han betg cuntanschì il pli absolut da 76 367 vuschs e ston ir en il segund scrutinì.

En il chantun Sursilvania n'ha nagin dals trais candidats cuntanschì il pli absolut. *Erich Ettlin* (pcd) ha fatg 6754 vuschs, *André Windlin* (pld) ha fatg 4306 vuschs ed *Adrian Halter* (pps) è vegnì sin 4023 vuschs. Il pli absolut era tar 7542 vuschs. Il segund scrutinì è ils 15 da november.

En Sutsilvania ha la pcd pers ses sez en il cussegl dals chantuns. Sco successur da *Paul Niederberger* (pcd) che sa retira è vegnì elegì il cusseglier guvernativ *Hans Wicki* da la pld. Wicki ha fatg 9249 vuschs tar in pli absolut dad 8911. Per l'emprima giada n'è la pcd betg pli represchentada en il parlament giu Berna.

Omadus cussegliers dals chantuns vertents da la pps èn vegnids reelegids cleramain. *Alex Kuprecht* ha fatg 30 868 vuschs, *Peter Föhn* è vegnì sin 29 595

vuschs. Il pli absolut era tar 25 964 vuschs.

En il chantun Turgovia n'ha *Clemenz Somm* (pvl) gi nagina schanza cunter ils candidats vertents. El è vegnì sin 26 304 vuschs. Elegids èn pia ils cussegliers vertents *Brigitte Häberli-Koller* (pcd) cun 53 135 vuschs e *Roland Eberle* (pps) cun 49 518. Il pli absolut era tar 34 062 vuschs.

Suenter 32 onns conquista la ps en il chantun Turitg puspè in sez en il cussegl dals chantuns. Il cusseglier naziunal *Daniel Jositsch* ha dumagnà il sigl en la chombra pitschna sco unic candidat. El ha fatg 176 342 vuschs tar in pli absolut da 176 342 vuschs. A tgi ch'ìl segund sez va, vegn decidì ils 22 da november. Las bleras vuschs suenter Jositsch han fatg *Ruedi Noser* (pld) e *Hans-Ueli Vogt* (pps).

Il chantun Uri vegn represchentà en il cussegl dals chantuns d'in duo burgais. *Josef Dittli* (pld) gudogna in sez sin custs dals verd-liberals. El ha fatg 10 979 vuschs. L'auter sez defenda il cusseglier dals chantuns da fin uss da la pcd, *Isidor Baumann* cun 10 782 vuschs. La participaziun a la votaziun era tar 55,3%. Josef Dittli surpiglia il sez da *Markus Stadler* (pvl) che n'ha betg pli candidà.

En il chantun Vallais n'ha nagin dals en tut set candidats cuntanschì il pli absolut da 61 094 vuschs. Il meglier resultat ha fatg il cusseglier dals chantuns da fin qua, *Jean-René Fournier* (pcd) cun 45 690 vuschs. El vegn suandà da *Beat Rieder* (pcd) cun 37 100 vuschs. Ils ulteriurs candidats èn *Franz Ruppen* (pps), *Pierre-Alain Grichting* (pld), *Thomas Burgener* (ps), *Christophe Clivaz* (pes) e *Robert Métrailler* (pcd). Sche la pcd vegn da conquistar ils dus sez en la chombra pitschna, vegn a sa mussar il 1. da november en il segund scrutinì.